



Sumáriu Atividade Mensál Advokasia Períodu Marsu 2021

I. Introdusaun

Programa Monitorizasaun ba Sistema Judisiáriu (JSMP) liuhusi Unidade Advokasia no Treinamentu iha Marsu 2021 kontinua halo atividade sira hanesan :

1. Partisipa iha enkontru sira;
2. Mídia advokasia liuhusi halo monitorizasaun ba mídia sira. Husi monitorizasaun ba mídia sira, JSMP haree asuntu relevante sira tuir JSMP nia rekomendasaun ne'ebé fó sai iha mídia sira no JSMP públika filafali iha pájina facebook JSMP nian, no
3. Publika informasaun regulár iha jornal Timor Post no Diáriu Nasionál.

II. Atividade sira

1. Partisipa iha enkontru sira

Iha fulan ida ne'e, JSMP nafatin partisipa iha enkontru sira ne'ebé organiza husi parseiru sira. Iha 05 Marsu 2021, JSMP partisipa iha enkontru ne'ebé organiza husi HAK no Rede Prizional ho objetivu atu atualiza serbisu sira membru Rede Prizional iha situaun Pandemia Covid-19 no buka solusaun sira hodi responde lalais ba prizoneriu no guarda sira iha Suai durante *lockdown* ka serka sanitária.

Enkontru ne'e partisipa husi membru Rede Prizional sira hotu, Sharis Haburas Comunidade (SHC), Padre Papelaun (Amu Sico), Diretór Prizaun Bekora no Gleno, Defensória Públiku, PDHJ, Komisaun Direitu Kriansa, Representante Gabinete FSS, Country Coordination Mechanism of Timor Leste (CCM) no JSMP.

2. Mídia Advokasia

Alende atividade advokasia, JSMP mós kontinua halo atividade mídia monitoring hodi identifika, prepara no sumariza informasaun relevante sira relaciona ho rekomendasaun no asuntu advokasia sira ne'ebé durante ne'e JSMP foka husi mídia sira tantu mídia online no jornál sira.

Publikasaun regulár iha pájina facebook

Iha período Marsu 2021, JSMP kontinua rezumu informasaun relevante sira hodi publika iha pájina facebook JSMP nian, informasaun sira ne'e mak hanesan tuir mai ne'e:

a. Ministru Prezidénsia Konsellu Ministru (MPKM) Fidélis Magalhães hateten atu penaliza aktu sira dezobediénsia iha tempu konfinamentu ka lockdown tuir Kódigu Penál

Ministru Prezidénsia Konsellu Ministru (MPKM) Fidélis Magalhães hateten atu penaliza aktu sira dezobediénsia iha tempu konfinamentu ka lockdown tuir Kódigu Penál. Informasaun kompletu bele asesu iha <https://dili-post.com/malandru-viola-regra-ee-sei-aplika-tuir-kodiku-penal/> fontes; **Media Online Dili Post, 8 Marsu 2021.**

Antes ne'e, iha JSMP nia komunikadu imprensa rekomenda ona ba Governu atu penaliza sidadaun sira ne'ebé la kumpri dispozisaun legál sira ne'ebé autoridade públiku sira hasai, hanesan lei, dekretu lei no rezolusaun sira ne'ebé relevante ba Covid-19. Hahalok sira konsidera nu'udar krime dezobediénsia ne'ebé prevee iha alinea a) pontu 1) Artigu 244 Kódigu Penál ho nia pena prizaun to'o tinan 3 ka multa no bainhira nia lei kualifika aktu ne'e hanesan desobediénsia kualifikada, bele hetan pena prizaun entre tinan 1 to'o 4. Link: https://jsmp.tl/.../GovernuHaforsaPreveneCOVID-19_TETUM.pdf

b. Serka sanitária, Tribunál Distritál Dili atende deit kazu urjente

Juis Administradór Tribunál Distritál Dili, Dr. Afonso Carmona, hateten tribunál halo deit atendimentu ba kazu sira urjente sira mak hanesan primeriu interrogatóriu, prosesu sumáriu, prosesu kautelár no atende arguidu sira ne'ebé hetan detensaun no nia tempu to'o ona atu sai husi prizaun. Tribunál suspende julgamentu normal ba kazu kontinuasaun ne'ebé tribunál hasai ona notifikasaun tanba serka sanitária.

TDD fahe turnu ba juis kada loron ida akompañia ho ofisiál justisa, nune'e iha julgamentu urjente ruma bele atende <http://www.tatoli.tl/.../serka-sanitaria-tdd-atende-deit.../>

c. JSMP husu aseguira direitu vítima violénsia bazeia ba jéneru

JSMP husu ba instituisaun relevante sira atu aseguira direitu vítima violénsia bazeia ba jéneru liu liu kazu sira hanesan violasaun seksuál, abuzu seksuál, aktu seksuál ho adolxente no violénsia doméstika ne'ebé rekere prova ka evidénsia sira inklui aseguira vítima sira nia direitu hodi hetan protesau no seguransa iha períodu implementasaun serka sanitária. <http://www.tatoli.tl/.../jsmp-husu-aseguira-direitu.../>, **Fontes Tatoli, 18 Marsu 2021.**

d. JSMP Apresia Produtividade V Lejislatura

JSMP apresia ho produtividade representante povu sira iha V lejislatura ne'ebé prodús ona lei no rezolusaun barak maibé husu PN atu fiskaliza mós implementasaun lei hirak ne'e <http://www.tatoli.tl/.../jsmp-apresia-produtividade-v.../>. **Fontes Media Online Tatoli, 18 Marsu 2021.**

e. JSMP espera esbosu Lei Orden Advogado bele asegura justisa ba ema hotu

JSMP espera Proposta Lei Númeru 26/V kona-ba Estatutu Orden ba Advogados iha Timor Leste, bele aprova lalais nune'e bele asegura asesu justisa ba ema hotu.

Diretora Ezekutiva JSMP, Ana Paula Marçal, agradese ba Komisaun A ne'ebé sempre halo konsultasaun públiku hodi rona ema hotu nia hanoin inklui JSMP kona-ba esbosu lei foun Orden ba Advogado sira iha Timor Leste. <http://www.tatoli.tl/.../jsmp-espera-esbosu-lei-orden.../>. Fontes Media **Online Tatoli, 18 Marsu 2021.**

f. Serka sanitária, Tribunál funsiona normal

Presidente Tribunál Rekursu (TR) Deolindo dos Santos, informa maski pandemia Covid-19 no aplikasaun serka sanitária ba Munisípiu Dili, Baukau no antes mós Covalima, maibé funsionamentu tribunál nian normal hodi halo julgamentu. <http://www.tatoli.tl/.../serka-sanitaria-tribunal.../>

JSMP apresia ho esforsu husi TR nian hodi kontinua funsiona julgamentu iha tribunál distritál sira mezmú iha tempu pandemia no mós iha situasaun aplikasaun serka sanitaria. Julgamentu limita deit hanesan mensiona iha leten, maibé JSMP hanoin ne'e importante tebes hodi bele asegura prova sira liuliu ba kazu ne'ebé envolve vítima violénsia bazeia ba jéneru. Importante mak nafatin kumpri protokolu prevensaun ba Covid-19.

Kontrusaun edifísiu foun Tribunál Distritál Dili suspende provizóriu. Iha ámbitu implementasun serka sanitária iha Dili Estadu mós suspende provizóriu atividade kontrusaun ba Edifísiu foun Tribunál Dili.

Mezmu ita hakarak kontrusaun ne'e la'o lais, maibé tanba situasaun Covid-19 no aplikasaun serka sanitária no konfinamentu obrigatáriu, nune'e afeta hodi suspende kontrusaun edifísiu foun TDD. <http://www.tatoli.tl/.../serka-sanitaria-tribunal.../>. Fontes **Media Online Tatoli 25 Marsu 2021.**

g. Relasiona ho kazu la'en oho feen iha Atabae, Munisípiu Bobonaro.

Prokuradór Jerál Repúblika (PGR), Meritísimu Dr. José da Costa Ximenes, kestiona desizaun tribunál nian antes ne'ebé aplika medida koasaun apresentasaun periódikamente ba arguidu relasiona ho kazu abuzu seksuál ho natureza inestu ne'ebé arguidu komete hasoru nia oan fetu. Ministériu Públiku la konkorda ho aplikasaun medida koasaun ne'e no halo rekursu maibé antes desizaun rekursu tun, arguidu repete ninia hahalok ne'e hodi oho nia feen. Alende ne'e, PGR mós fó hanoin atu tenke kuidadu bainhira aplika medida koasaun apresentasaun periódikamente ba krime sira ne'ebé akontese iha ámbitu família.

Relasiona ho kazu ne'e, JSMP mós lamenta ho desizaun tribunál nian ne'e. Informasaun kompletu kona-ba posizaun JSMP nian ne'e bele asesu iha JSMP nia komunikadu imprensa ho títlu Kazu la'en oho feen Tribunál falla atu aplika prizaun preventiva iha kazu abuzu seksuál ho natureza incestu.

Atu hatene kle'an kona-ba Komunikadu imprensa ne'e bele asesu iha JSMP nia website www.jsmp.tl ho link https://jsmp.tl/.../PrKazuOmisidiunoIncestuBATUGEDE_Tetum... **Fontes Jornal Timor Post, 24 Marsu 2021.**

Publikasaun regulár iha jornál sira

JSMP regularmente prepara no sumariza informasaun relevante sira husi rezultadu monitorizasaun sira iha Tribunál, Parlamentu Nasionál, serbisu advokasia, no mós serbisu assisténsia ba vítima violénsia bazeia ba jéneru.

Tuir mai informasaun sira ne'ebé prodús no publika iha jornal Timor-Post no Diariu Nasionál iha fulan Fevereiru :

Jurnal	Data Publika	Informasaun sira ne'ebé prodús no publika iha jornal Timor Post no Diariu Nasionál
Timor Post	01 Marsu 2021	<ul style="list-style-type: none"> • Governu tenke haforsa liutan medida prevensaun no kombate virus Covid-19 liuhusi penaliza sidadaun ne'ebé tama-sai ilegál iha fronteira • JSMP realiza treinamentu kona-ba demokrásia, asesu ba justisa no liberdade asesu ba informasaun iha Suku Uma Ana Ico, Munisípiu Baukau
	08 Marsu 2021	<ul style="list-style-type: none"> • Komisaun A PN halo audénsia ho JSMP no Advogadu Privadu sira kona-ba Esbosu Lei Orden Advogadu no Rejime Jurídiku ba Asosiasaun Públiku Profisionál • Komemora Loron Feto Internasionál ho tema "Lideransa Feto Iha Mundu Covid-19" JSMP husu atu ema hotu kontribui hamenus violénsia hasoru feto • JSMP nia istória visaun no Misaun
	15 Marsu 2021	<ul style="list-style-type: none"> • JSMP preokupa ho membru órgaun lejislativu ne'ebé hakilar no insulta malu iha Parlamentu Nasionál tanba de'it kestaun polítika partidária • Kazu Topu Honis: JSMP husu atu parte hotu respeita no fó konfiansa ba tribunál atu hala'o nia kna'ar ho independente no imparsiál • JSMP nia istória visaun no Misaun • Informasaun kona-ba JSMP nia assisténsia durante serka sanitaria no konfinamentu obrigatóriu
	22 Marsu 2021	<ul style="list-style-type: none"> • Aplikasaun serka sanitária no konfinamentu

		<p>obligatóriu difikulta vítima violénsia bazeia ba jéneru asesu ba serbisu assisténsia no asesu ba tribunál: JSMP husu buka solusaun imediata</p> <ul style="list-style-type: none"> • Kazu Topu Honis: JSMP husu atu parte hotu respeita no fó konfiansa ba tribunál atu hala'o nia kna'ar ho independente no imparsiál • JSMP nia monitorizasaun ba prosesu julgamentu iha Tribunál Distritál Oekusi, Dili, Baukau no Suai • JSMP nia istória visaun no Misaun • Informasaun kona-ba JSMP nia assisténsia durante serka sanitaria no konfinamentu obligatóriu
	29 Marsu 2021	<ul style="list-style-type: none"> • Repete fali : Aplikasaun serka sanitária no konfinamentu obligatóriu difikulta vítima violénsia bazeia ba jéneru asesu ba serbisu assisténsia no asesu ba tribunál: JSMP husu buka solusaun imediata • Repete fali : Kazu Topu Honis: JSMP husu atu parte hotu respeita no fó konfiansa ba tribunál atu hala'o nia kna'ar ho independente no imparsiál • JSMP nia monitorizasaun ba prosesu julgamentu iha Tribunál Distritál Oekusi, Dili, Baukau no Suai • JSMP nia istória visaun no Misaun • Informasaun kona-ba JSMP nia assisténsia durante serka sanitaria no konfinamentu obligatóriu
Diariu Nasionál	04 Marsu 2021	<ul style="list-style-type: none"> • JSMP kontinua halo diskusaun ho lideransa sira husi konfisaun relijiozu sira la'os katóliku relasiona ho Artigu 1475 Kódigu Sivil • Parlamentu Nasionál aprova proposta ba rejime jurídku arbitrajen voluntaria hodi halo alterasaun ba Kódigu Prosesu Sivil
	10 Marsu 2021	<ul style="list-style-type: none"> • Komisaun A PN halo audénsia ho JSMP no Advogadu Privadu sira kona-ba Esbosu Lei Orden Advogadu no Rejime Jurídku ba Asosiasaun Públiku Profisionál
	17 Marsu 2021	<ul style="list-style-type: none"> • Aplikasaun serka sanitária no konfinamentu obligatóriu difikulta vítima violénsia bazeia ba jéneru asesu ba serbisu assisténsia no asesu ba tribunál: JSMP husu buka solusaun imediata • Kazu Topu Honis: JSMP husu atu parte hotu respeita no fó konfiansa ba tribunál atu hala'o nia kna'ar ho independente no imparsiál

		<ul style="list-style-type: none"> • JSMP nia istória visaun no Misaun • Informasaun kona-ba JSMP nia assisténsia durante serka sanitaria no konfinamentu obrigatóriu
	24 Marsu 2020	<ul style="list-style-type: none"> • Kazu Oho Feen iha Batugede: JSMP lamenta tribunál aplika medida koasaun apresentasaun periódika ba arguidu iha kazu antes • JSMP nia istória visaun no Misaun • Informasaun kona-ba JSMP nia assisténsia durante serka sanitaria no konfinamentu obrigatóriu
	30 Marsu 2021	<ul style="list-style-type: none"> • Aplikasaun serka sanitária no konfinamentu obrigatóriu difikulta vítima violénsia bazeia ba jéneru asesu ba serbisu assisténsia no asesu ba tribunál: JSMP husu buka solusaun imediata aplikasaun serka sanitária no konfinamentu obrigatóriu difikulta vítima violénsia bazeia ba jéneru asesu ba serbisu assisténsia no asesu ba tribunál: JSMP husu buka solusaun imediata • JSMP nia istória visaun no misaun • Informasaun kona-ba JSMP nia assisténsia durante serka sanitaria no konfinamentu obrigatóriu

III. Konkluzaan no Rekomendasaun

Aplikasaun Serka Sanitária (SS) kontinua fó limitasaun ba movimentu sira inklui audénsia balun ho instituisaun relevante sira ne'ebé JSMP planea ona. Mezmu nune'e iha período fulan ida ne'e, ho nafatin kumprimentu ba iha medida prevensaun Covid-19, JSMP kontinua hala'o nia atividade sira inklui partisipa iha audénsia publika ho Komisaun A relaciona ho Esbosu Lei Orden Advogadu no Rejime Jurídiku ba Asosiasaun Públiku Profisionál.

JSMP konsidera Esbosu Lei Orden Advogadu foun ne'e iha mudansa ne'ebé di'ak tebes kompara ho versaun ida uluk no mundansa sira ne'e barak mak korresponde ho rekomendasaun sira JSMP nian iha paraser ne'ebé hato'o ba Ministériu Justisa antes iha 2019. Mezmu nune'e, JSMP rekomenda atu iha lei ne'e inklui tan atividade prinsipál iha advokasia nian mak hanesan "Asesoria Jurídika" no inklui kedas iha lei ne'e regalia ruma husi Governu atu apoiu serbisu administrasaun sekretariadu Organizasaun Advogadu Timor-Leste (OATL). Alende ne'e, JSMP mós hanoin asuntu importante ida ne'ebé tenke konsidera iha prátika maka husu pagamentu tenke refleta ba realidade Timor-Leste ne'ebé maioria husi populasaun sei moris iha liña pobreza nia okos.

JSMP espera katak ho prezensa OATL nian bele promove efetividade no kualidade atividade advokasia iha Timor- Leste hodi kontribui ba atinje objetivu Estadu hodi asegura asesu justisa ba ema hotu.

Atu hatene informasaun liutan bele kontaktu:

Ana Paula Marçal

Diretora Ezekutiva JSMP

Email: ana@jsmp.tl

Website: <https://jsmp.tl/>